

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一一九冊

責任編輯：孫言誠 賀 偉

ISBN 7-5333-0535-3



9 787533 305352 >

2B/10/03

四庫全書存目叢書·史部一一九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一一九冊目次

史部·傳記類

崇禎五十宰相傳一卷

〔清〕曹溶撰
南京圖書館藏清研古樓鈔本

一

古人幾部六卷

〔清〕陳允衡撰
中山圖書館藏清順治三年朱之璠刻本

一九

孔庭神在錄八卷

〔清〕胡時忠撰
雲南大學圖書館藏清康熙二十五年裏古堂刻本

一〇一

畿輔人物志二十卷

〔清〕孫承澤撰
山東省圖書館藏清初刻本

二一三

益智錄二十卷

〔清〕孫承澤撰
私藏清康熙刻本

三七一

顧氏譜系考一卷

〔清〕顧炎武撰
山西省祁縣圖書館藏清吳江潘氏遂初堂刻亭林遺書本

六三一

金華徵獻畧二十卷(一)

〔清〕王崇炳撰
首都師範大學圖書館藏清雍正金律刻本

六三六

崇禎五十宰相傳一卷

〔清〕曹溶撰

南京圖書館藏清研古樓鈔本

附《四庫全書總目·崇禎五十

宰相傳一卷》提要

欽定四庫全書存目提要 史部傳記類

崇禎五十宰相傳一卷

浙江巡撫
採進本


國朝曹溶撰。溶字潔躬，號秋嶽，秀水人。前明崇禎丁丑進士，官監察御史。

國朝官至戶部侍郎，出為廣東布政使，左遷山西陽和道。此傳皆崇禎時入閣諸臣事蹟。凡六篇，前有年表一篇，明代自胡惟庸以後，不立丞相，然自後入閣辦事者，亦相沿以相國呼之。此書題曰「宰相從俗稱也」。崇禎十六年間，輔臣至五十人，而所錄事實皆取賢否懸殊，關係治亂。其行事皆見於明史，說者謂其較進易退，不收實用。沈篇末總論，獨謂其私心朋比，門戶相承，邪正雖殊，植黨則一。斯誠探本之說，傳雖分列五十人之大者，其成基

命以下十四人，但叙官闕黃立極以下四人，亦極簡畧。蓋以為無關勸戒，不足書也。溶門人閻越乃取陳盟所作崇禎內閣行日各補之，非沈意矣。此書稿李詩系作崇禎五十輔臣傳五卷，其實為傳六卷，篇加以前表一篇，非五卷也。所載行事與明史詳畧相參，余可互資考證焉。

同治庚午五月，台守學使紹周科試杭州府屬，童生出園之日，適閱是書，檢錄提要，心有所繫，遂字輒有附錄。冒閣台藏，家史日保，宏光寶錄，首列宏光日月表，並可嘆矣。田園數人識。

崇禎五十宰相傳



倦園老人重訂

宰相年表序

人臣至宰相。極矣。君道之盛衰。由於相業之隆替。史記以來。班、可考也。雖其間世代不同。氣數亦異。要不得曰。下不能獲乎上。人不能勝乎天。為相臣者。亦將如之何哉。若乃君擇臣。亦擇君。此區、席朱之末。非所語于相臣也。以十七年之帝。祚而相者。至五十人。此五十人者。不可謂非天地之貽。以損、輪。祖宗之滋。以培養也。歷三百載以來。援之乎千萬人之上。而富貴利達。功烈泯焉。無以副當宁之勤求。即無以厭海內之想望。遂使感時傷事者。痛心疾首。無所用其責備。不得已咨嗟歎息。徒歸咎於人主。以為求治太急。輕于用人。始則失之不明。繼且失之不慎。破格而終于病。推誠而伏以奸。用舍進退之間。幾、乎惟日之不足。迨煬、竈燎原之後。國破家亡。同歸于盡。若不任受過。臣亦不任受罪。是非、不章。末、固究悠、千古誰、寔辨之。嗟乎。朕非亡國之君。諸臣皆亡國之臣。帝不專為相臣言也。而以言相臣。豈有辭焉。爰自即位之初。迄於殉難之日。

凡條碩問。歷殿閣者一、考載之。今後之人君。有以觀覽云爾。



宰相表

天啟七年丁卯是為即位之歲以明年改元

十一月左柱國少傅吏部尚書中樞殿大學士黃立極
馳驛回里。十二月以太子太保禮部尚書朱宗道吏
部左侍郎楊景辰入閣辦事。起陞禮部侍郎李標周
道登吏部侍郎錢龍錫諭德劉鳴訓俱為禮部尚書兼
東閣大學士。

崇禎元年戊辰

三月加少師兼太子太師吏部尚書中樞殿大學士施

鳳來為太傅。張瑞圖為太保。俱馳驛回里。起復左柱
國少師兼太子太師吏部尚書中樞殿大學士韓爌。
五月少師兼太子太師吏部尚書中樞殿大學士李國
樞馳驛回里。六月朱宗道楊景辰馳驛回里。加李
標周道登錢龍錫劉鳴訓太子太保進文淵閣。十二月
劉鴻訓革職。韓爌入朝。

二年己巳

正月周道登致仕。黃立極被察。施鳳來楊景辰開
住。張瑞圖朱宗道議處。十月陞吏部侍郎成基命。

三年庚午

為禮部尚書兼東閣大學士。錢龍錫回里。十一月
起復少師兼太子太師兵部尚書文華殿大學士孫承
宗督師出鎮通州。十二月以禮部尚書何如龍錢象
坤侍郎周延儒入閣辦事。

加成基命太子太保進文淵閣。韓爌李標回里。錢

龍錫削籍。加孫承宗太傅回里。如何如龍錢象坤

周延儒太子太保進文淵閣。六月以詹事府禮部尚
書溫體仁吳宗達入閣辦事。七月加溫體仁吳宗達

太子太保進文淵閣。九月成基命回里。十一月加

何如龍周延儒少保進武英殿

四年辛未

何如龍錢象坤回里。李國樞卒。

五年壬申

加協理尚書鄭以偉太子少保入閣辦事。禮部尚書

徐光啟進東閣大學士。加周延儒少保吏部尚書進

建極殿。溫體仁吳宗達少保改戶部尚書進武英殿

周道登卒。

六年癸酉

周延儒。馳驛回里。鄭以偉卒。加溫體仁少保。吏部

尚書。進建極殿。吳宗達。吏部尚書。進建極殿。徐光啟。太

子太保。進文淵閣。召何如寵。不至。陞禮部侍郎。王

應熊。何吾驄。為尚書。兼東閣大學士。召南京禮部侍

郎錢士升。入閣辦事。

七年甲戌

加溫體仁。吳宗達。少師。進中極殿。王應熊。何吾驄。錢士

升。太子太保。進文淵閣。

八年乙亥

王應熊。馳驛回里。七月。陞少詹事。文震孟。改刑部左

侍郎。張至發。為禮部左侍郎。入閣辦事。十一月。何吾

驄。文震孟。回里。吳宗達。回里。

九年丙子

錢士升。馳驛回里。欽取禮部尚書孔貞運。黃士俊。賀

達聖。禮部左侍郎林銓。入閣辦事。陞張至發。禮部尚

書。五月。林銓卒。十一月。加孔貞運。黃士俊。賀達聖。

太子太保。進文淵閣。吳宗達。文震孟卒。

十年丁丑

六月。溫體仁。馳驛回里。黃士俊。回里。八月。陞吏部

侍郎劉宇亮。詹事傅冠。為禮部尚書。右僉都御史薛國

觀。為禮部侍郎。同入東閣辦事。

十一年戊寅

張至發。賀達聖。回里。孔貞運。回里。陞薛國觀。為禮

部尚書。改戶部尚書。程國祥。兵部尚書。楊嗣昌。升協

理侍郎。方達。年工部侍郎。蔡國用。俱為禮部尚書。兼東

閣大學士。陞大理寺少卿。范復粹。為禮部侍郎。入閣

辦事。劉宇亮。傅冠。進文淵閣。溫體仁卒。改劉宇

亮。為兵部尚書。賜尚方劍。督察各鎮兵馬。傅冠。方達

年回里。

十二年己卯

程國祥。回里。加薛國觀。蔡國用。范復粹。太子太保。戶

部尚書。進文淵閣。劉宇亮。回里。八月。楊嗣昌。賜尚

方劍。督師。欽進禮部右侍郎。姚明恭。協理侍郎。張四

知。我。改侍郎。親。昭。素。俱。為。禮。部。尚。書。兼。東。閣。大。學。士。

程國祥卒。加薛國觀。蔡國用。范復粹。少保。吏部尚書。

進武英殿。加姚明恭太子太保。戶部尚書。進文淵閣。
張四知太子太保。戶部尚書。魏煥兼太子太保。

十三年庚辰

蔡國用卒。姚明恭回里。欽進太子少保。吏部尚書。
謝陞禮部左侍郎。陳演兼東閣大學士。加楊嗣昌太
子太保。加謝陞少傅。進建極殿。薛國觀。閣住。

十四年辛巳

范復粹回里。楊嗣昌卒於任。四月。召周延儒。張至
發賀進聖。八月。薛國觀賜死。何如寵卒。十月。周

延儒賀進聖入朝。張至發不至。加周延儒少師。兼太
子太師。進中極殿。張四知少傅。吏部尚書。進武英殿。魏煥
兼太子少傅。戶部尚書。陳演禮部尚書。俱進文淵閣。

十五年壬午

正月。召周延儒賀進聖。謝陞入殿。上降拜。四月。謝陞削
籍。命周延儒視師。累加太師。賀進聖。張四知魏煥
乘駟驛回里。陞陳演戶部尚書。進武英殿。六月。以
禮部侍郎蔣德璟。詹事黃景昉。戎政尚書吳姓為礼部
尚書。並東閣大學士。十一月。召王應熊入朝。賜金幣還。

十六年癸未

加陳演蔣德璟黃景昉太子少保。五月。以侍讀魏藻
德入閣辦事。周延儒回里。六月。陞魏藻德礼部侍
郎。八月。徵周延儒聽勘。九月。欽進少詹事。李建泰
為禮部尚書。左副都御史方岳貢為礼部右侍郎。入閣
辦事。十二月。周延儒賜死。吳姓遣戍。

十七年甲申

正月。以禮部尚書丘瑜工部尚書范景文入閣辦事。
改李建泰為兵部尚書。加太子少保。督師。二月。蔣德
璟致仕。進魏藻德禮部尚書。文淵閣。總督河道屯練
方岳貢戶部尚書。兼兵部尚書。文淵閣。總督漕運屯練
三月。許陳演乞休。李建泰被執。京師陷。范景文
死之。陳演魏藻德方岳貢丘瑜皆以拷掠死。

論曰。甚哉遇合之難也。古有：其人而無其時者矣。若之
何有其時而非其人乎。倘所謂遇合。抑亦僥倖焉。非若萬
天受祿。夢卜載車而求也者。願以莫之致而委之也哉。余
昔從諸君子時。先後出處。知之甚詳。竊嘆諸臣。類皆一時
大有為之才。視庸庸萬輩。相去甚遠。而旋登政地。不免持

祿同。無能為主。上畫一。并以至人事。盡幸。天意莫挽。或及身而墮。或旋踵而敗。功名喪失。家國淪亡。至今回憶往事。宛如白首宮人。細數開元天寶間遺事。不僅為君臣傷遇合也。豈不惜哉。

宰相列傳序
余既序相臣年表。年表之義。紀時不紀事也。雖出處之次第。固詳而進退之始末。未顯。恐無以縣生平。以示後世。于是考之國史。參之見聞。畧舉其大端。著為列傳。分為六則。而系之以臆斷焉。

宰相列傳一

錢龍錫

孫承宗

李標

周道登

韓壙。蒲州絳州人。壬辰進士。以庶吉士官禮部侍郎。康

中陞尚書。入東閣。知任。進左柱國。少師。兼太子太師。

孤介。靛直。清修。無欲。當仁九議起。禮部尚書孫慎行。以色

藏禍心。參舊輔方從哲。壙以耳目聞見。深明其不然。既秉

正以嫉邪。又不為黨。同伐吳。時論譴之。中子六月。副都御

史楊建。參親忠賢二十四大罪。朝臣羣起攻擊。忠賢懼。惡

壙曰。非公不能輯衆。幸留意。壙曰。我不能也。尊自爾作。爾

自解之。忠賢怒。既得志。謀逐壙。假以票擬。不當降諭。切責

壙。疏引咎求斥。畧曰。臣以謫方。僞員中書。詰戎宜先。營衛

而觀兵肘腋。無能行宵旰之憂。忠直尚稽。召還而榜掠朝

堂。無能回雷霆之怒。以至後先多官之斥。諭旨中出之安。

在聖世。抵肅紀綱。乃中外懼興黨禍。而臣既不能先時深

念。有調劑之方。又不能臨事挺持。為封還之懇。此皆罪狀

之大。且重者。請亟就臣官。仍治臣罪。為輔弼弱職之戒。疏

入。忠賢益惡之。遂傳上旨曰。卿親承顧命。當矢公盡職。乃

歸罪于上。退有後言。今復悻悻。求去。著馳驛回籍。時瑞逆

頭著。煥獨授開。可謂先幾之哲。李魯生復參論之。謂三年莫展一籌。生削奪。且捕及家奴。追職究擬。幾罹大禍。崇禎改元。欽召復相。正人多所倚重。表崇煥東江一案。錢龍錫罷。煥以閣務既同。分宜引罪。連章乞休。大用未竟。天下惜之。

孫承宗。高陽人。甲辰榜眼。官少宗伯。以談兵拜輔府。並開學。累加少師。乙丑。楊維垣疏糾抑河之役。蘇兆先劾勅之。皆璫意也。遂回籍。已已。起家督師鎮通州。庚午。加大傅。李標。高邑人。錢龍錫。華亭人。俱丁未進士。同登吳江人。

戊戌進士。劉鵬訓。長山人。癸丑進士。皆以館選。游歷翰林。天啟中。同遭璫禍。丁卯即位之初。以人望起。回閣。同陞禮部尚書。並東閣大學士。屢奉召對。向用頗殷。戊辰冬。御史吳玉。奏初擬臣王在晉。因及張慶臻。改勅事。以主使中鵬訓。上諭標等曰。卿如何不奏。祖宗有法。朕不敢私也。標等再三申辨。以國體為重。且曰。臣等四人。事同一體。若鵬訓有罪。臣等亦皆有罪。於是鵬訓革職。而道登得請。既而欽定逆案告成。黨人銜龍錫。至其事標贊成之。借言東江失事。龍錫定授計表崇煥。又嘗薦之甚力。故崇煥處以極刑。

而龍錫鵬。致更遭戍。標亦去位。

何如龍。相城人。乙未舉進士。未廷試。戊戌選入中秘。旋歸。崇禎後。強半林下。戊辰。官禮部尚書。台對稱旨。因大拜周延儒當國。權勢日盛。如龍以座主門生。引退回里。迨延儒放歸。上念如龍清慎。復召入閣。辭不出。天下高之。

錢士升。嘉善人。丙辰狀元。以南京禮部侍郎召入閣。蓋異數也。丙子四月。武生李璉。請搜括巨室。助餉。士升擬下之法。司上不聽。士升上言。比者。僭端倖進。實繁有徒。而璉乃倡為僭紳豪右。輸官指侵之法。此表世亂政。而敢陳于聖

人之前。小人無忌憚至此。且所惠於富者。兼併小民耳。郡邑之有富家。亦貧民衣食之源也。以兵荒之故。歸罪富家。而指侵之。此秦始皇所不行於巴清。漢武帝所不行于卜式者也。此議一倡。而亡命無賴之徒。相率而與富家為難。大亂自此始矣。時溫體仁以上欲通言路。竟改擬仍切責士升。以密勿大臣。即欲要譽。已足致之。毋庸汲。又經歷吳化銀。許泰士升弟。士晉體仁亦擬嚴旨。士升遂乞罷。許之士升性。和易。無物不忤。而嚴正之氣。自在。故璫禍灼天之日。家食數年。及登政府。又恬淡。不久于位。

文震孟長州人。壬戌狀元。清標絕世。有先祖微仲之風焉。為孝廉三十年。名聞海內。固已物望咸歸矣。及第後。首疏斥瑞。幾中免法。輔臣韓爌力救之。僅落職。尋以瑞修前隙。廢熱偏視。隱居吳下。成良環名累。官少詹。乙亥七月。以進講春秋稱旨。特簡入閣。一時士大夫相慶得人。然非溫體仁意也。會給事許舉卿補南太常。吏部尚書謝陞難之。遂疏糾舉卿。震孟擬旨。止奪舉卿俸體仁不肯。震孟作色擲筆曰。即削籍無害。體仁夕揭上。而震孟朝罷。何吾驕嘆息于閣中。亦同去國。論者謂朝陽之端一鳴驚人。鳴桑為之。

杞其吭可慨也夫。

張至發。淄川人。辛丑進士。由知縣官刑部侍郎。已亥。誠獻得上意。改禮部。辦事東閣。戊寅。回里。辛巳。同周延儒賀逢聖。復召。辭不出。至發性平恕。中立不倚。終其身不樹黨。人亦相與安之。東山不起。時為之。亦志為之也。賀逢聖。江夏人。丙辰榜眼。為人清介。不競進。以資叙官禮部尚書。丙子。欽取入閣。戊寅。回里。辛巳。復召入朝。同周延儒謝陞。蒙上降拜。逢聖感南北之倥傯。無以報稱。君父。又與延儒不合。以病告歸。未久。賊陷武昌。逢聖死之。

范景文。吳橋人。癸丑進士。清貞端亮。內行醇備。自其束髮時。便以天下為己任。第仕東昌司李。平刑敬獄。多所平反。山東嘗大饑。景文條行荒政。全活億萬人。徵入為吏部。獎恬抑。執海內翕然稱之。乙丑。典選。疏請清仕。路養士氣。以勵廉耻。杜請託。奸人恥。側目之。時相親廣微。以卿曲多。方招致。將美除異已者。景文侃。爭執義。不為。李魯生薦同邑兒女親王。建泰。同年張九質。親忠賢。許以部屬。起用。景文謂二臣。一以不謹。一以貪察。處力持職掌。不肯下。停之。汪慶百例擢副使。瑞下部。以吏糾起。又有添註。少卿。

之旨。景文曰。職掌無此。推竟以副使登啟事。二親志甚。威氣待之。會景文病。歸却執。永錮不出。而其父官南僊部。即強項不拜逆祠。禍且不測。未幾。崇禎御極。起家太常。開府中州。以勤王功。陞兵部侍郎。鎮昌平。再晉南京右都御史。兵部尚書。獻賊蹂躪江北。類景文調護。陵京無恙。已卯。疏救御史成勇。生私黨。削職。壬午。召為刑部尚書。癸未。改工部。甲申。正月。進東閣辦事。關賊逼京師。景文請駕南還。先奉太子撫軍江南。廷議未果。都城陷。景文死之。

宰相列傳二

徐光啟

何吾驄

劉宇亮

方遼

徐光啟上海人甲戌進士生而穎秀有敏悟嘗精天文曆數之學因星爰陳言裨益政治上心識之官翰林士中入閣有崇禎曆書行世未久卒於位

何吾驄有山人己未進士由庶常官禮部侍郎癸酉陞尚書人東閣與溫體仁不甚合乙亥致仕

劉宇亮綿竹人己未進士丁丑以吏部侍郎進東閣戊寅請遷改兵部尚書賜尚方劍督師時大帥左良玉敗河南

賊于內閣上聞其步兵掠掠切責之宇亮不自安因告病回籍

方遼年遂安人壬戌進士歷官少詹戊寅陞禮部尚書入東閣嘗以偏倚典試湖廣策問數千言皆切時政親忠賢深惡之遂劾奪蓋嚴氣正性如此入閣後不合時宜數月即罷相

謝陞德州人丁未進士由知縣行取吏部官郎中不附時局累至尚書有清譽獨與何吾驄文震孟相忤時論為之不平丙子冬上命指奏數年銓政大弊覆奏不稱旨因詰

責之曰爾部職專用人推舉不效乃云綱目太密使中外束手且平時陞轉必優京卿甲科反稱京卿未必勝外官

甲榜未必勝乙榜如此游移豈大臣寧心體國之道於是

陞罷職己卯春上以保舉考選奉行不實復召陞一切條用新法卓異則蘇州知府陳崇謐以通賊削籍松江知府方岳貢以通賊奪官考選則請命貢士併歲貢二百六

十二人俱補部寺司馬以及推知上是之遂進東閣辦事壬午元旦召入殿廷親承降拜四月給事倪仁被上言臣

初拜官例謁閣臣言及兵餉陞曰皇上自用聰明察一為

務天下俱壞位極人臣敢歸罪天子如此上怒命削陞籍

親紹乘滑縣人丙辰進士由知縣歷官兵部侍郎己卯入

東閣天啟中疏薦周士樸以糾織監宜用士樸一事楊建

所引為親忠賢罪者也增意大拂以為市恩勅令回籍遇

諸士良于德安士良感額曰予已為管察而來如婦失身不可贖矣紹乘曰何不早退士良有慚色紹乘果矯以

潔白稱

吳姓興化人癸丑進士由知縣行取御史辛未奉命資金賑陝西饑荒招撫流盜七千餘人授官兵部侍郎壬午故

上震怒。處分李日宣等。乃以姓為禮部尚書。兼東閣大學士。既而閣賊猖獗。上命姓督師辦賊。久之以延留遣戍。親德。通州人。庚辰狀元。召見于文華殿。問邊隅多警。何以報忱。雪恥對曰。使大小諸臣皆知所恥。則功業自建。先後。數百言。更自陳戍宣城守功。上心識之。工部主事李振聲。請限品官占田。如一品四十頃。至十間其下。連減下部議。德爭之。遂寢。辛巳十月。請設裕國足民奇謀異勇。上然之。隨諭朝臣。訪徵辟。以稱破格旁求之意。十一月。請禁朝臣私探內閣通內侍。於是侍屬者俱露主母。

敢入直舍。癸未五月。以侍讀學士入閣辦事。請命勳臣子弟親騎射。六月。召見諸生蔣臣于中左門。陳言鈔法。曰。經費之條。銀錢鈔三分用之。納銀賣鈔者。以九錢七分為一金。民間不用。以違法論。不出五年。天下之金錢盡歸內帑矣。給事馬嘉植糾正之。德力寢其議。甲申二月。進禮部尚書。德督河道。使往濟寧。會有言各官不可令出。即潛逃。遂止不遣。京師陷後。賊迫脅獻金。自勒而死。德以書生新進。受知甚殷。國朝文臣罕達。無出其右者。李建泰。曲沃人。乙丑進士。歷官少詹。癸未入東閣。甲申正

月。李自成僭號改元。授偽牒于兵部約戰。上憂之。臨朝而嘆曰。諸臣無能為朕分憂哉。建泰進曰。主憂如此。臣敢不竭力。願以家財佐軍。北召甘肅寧夏之兵。外連羌部。召募忠勇。勦寇立功。否亦內守西河。扼控延安。使賊不得東渡。上悅曰。卿若行。朕當做古推轡行之。聞數日。建泰出師。上以特牲告廟。廷授節劍法。駕御正陽門。設宴作樂。親賜卮酒曰。先生之去。如朕親行。建泰頓首啟行。上目送之。是日大風揚沙。占不利。行師。建泰肩輿。不數武。杆折。識者危之。既出都道。關山西烽火甚急。家已破。貨財無以佐軍。進退失措。逗留畿內。二月。師過東光。不輯。士民閉城自守。建泰怒。攻三日。破之。三月。建泰上書請駕南還。願奉太子先行。上召廷臣議。撫軍江南給事先時亨。大聲止之。廷臣遂不敢復言。賊至保定。建泰已病卧中軍。郭中傑健城而降。賊入城。守御史金毓峒全家死難。而建泰被執。方岳貢。谷城人。壬戌進士。由戶部主事。為松江知府。有政績。在郡十五年。以通賊奪官。壬午起陞漕運副使。癸未入覲。上諭各官薦將材稱旨。擢副都御史。因上言四事。請言路以收人心。定推遷以養廉恥。責吏治于荒殘。儲將材於

部伍上仙之。拜東閣大學士。甲申二月。進戶部尚書。兼兵部提督德運屯練濟寧。未果。京師陷。被刑不食死。

宰相劉傳三。成基命。黃士俊。錢象坤。姚明恭。張四知。程國祥。

成基命。黃士俊。錢象坤。姚明恭。張四知。程國祥。

成基命。大名。人。丁未。進士。錢象坤。會稽。山陰。人。辛丑。進

士。並已入閣。鄭以偉。上饒。人。辛丑。進士。並入閣。以上

皆由庶吉士。孔貞運。句容。人。己未。榜眼。黃士俊。順德。人。丁

未。狀元。林鈺。同安。籍。龍溪。人。丙辰。探花。並丙子入閣。傅冠

進賢。人。壬戌。榜眼。丁丑。入閣。程國祥。上元。籍。歙縣。人。甲辰

進士。由知縣。歷官戶部尚書。范復粹。黃縣。人。己未。進士。由

推官。歷任大理寺少卿。並戊寅入閣。姚明恭。新州。人。己未

進士。張四知。費縣。人。壬戌。進士。並已卯入閣。蔣德璟。壬戌

進士。黃景昉。乙丑。進士。並晉江。人。壬午。入閣。丘瑜。宣城。人。

乙丑。進士。甲申。入閣。己丑。皆由庶吉士。其生平仕宦。烜赫

一時。無聞大節者。不悉書。

宰相列傳黃立極 施鳳來 張瑞圖

黃立極。元城人。甲辰進士。天啟中。以禮部侍郎入東閣。與施鳳來。張瑞圖等。同附魏忠賢。尸位養奸。為正人君子所恥。丁卯。錦州奏捷。三殿告成。各叙功立極。實首倡之。致忠賢子承。伴安平。東平之爵。而封王。及兩功並封之議。獨未已也。朝臣增級賜金。監觴無紀。官保尚書。都憲常僕。幾於車載斗量。而錦衣無生處矣。且二功謝恩之日。即賜湖鰲。騎之日也。崇禎登極。後立極知罪。無所容。因乞骸骨。朝廷仍以元輔除重之。予告加太保。廢子一人。尚寶司丞。又明

年京察被處

施鳳來。平湖人。丁未榜眼。張瑞圖。晉江人。丁未探花。李國樞。高陽人。癸丑進士。同歷官禮部尚書。東閣大學士。大工成。並加少保。兼太子太師。瑞敗後。鳳來。瑞圖。俱被察典。刊名逆案。而國樞倖免。朱宗道。蕭山人。甲辰進士。楊景辰。晉江人。癸未進士。同官翰林院學士。錦州捷報。疏稱魏忠賢功德。揄揚鋪張。惟呼舞蹈。以為朝臣倡。崇禎初。循資入閣。旋以公論漸彰。各得閒住。

宰相列傳周延儒 溫體仁

周延儒。宜興人。癸丑狀元。歷任禮部侍郎。崇禎初。召對廷臣。上目視之。曰。常時召對卿等。當面別無一言。只有這官。奏了幾句。今自奏職名。已已冬入閣辦事。癸酉正月。宣府巡視太監王坤。奏劾延儒。乞罷。不允。左副都御史王志道。上言。王坤內監。不宜侵輔臣。上召羣臣於平臺。謂志道曰。遣用內臣。原非得已。何議論之多也。志道奏曰。坤劾輔臣。舉朝皇。為紀綱法度之憂。臣為紀綱惜。非為諸臣惜也。上曰。廷臣於國家大計。不言。惟因內臣在。鎮不利。奸弊。乃

借坤疏要挾。誠巧倖也。復詰至再。延儒曰。志道非專論內臣。實責臣等溺職。上色稍霽。曰。職掌不恪。沽名立論。何堪憲紀。立退志道。延儒遂放歸。辛巳四月。復召延儒入朝。初。丹陽監生盛順。及虞城侯氏。共獻金為太監。與秉間。因延儒再起。禮部主事吳昌時。力謀之。果得再相。壬午元旦。召延儒及賀連聖。謝陞入殿。曰。古帝王皆崇師道。卿等朕之師也。宗社真安。惟諸先生是賴。命東向立。上降座。西向揖之。延儒愧謝。四月。命延儒督師。會天氣漸寒。兵不戰而退。延儒乃奏捷。班師。加太師。時人譏之。曰。出關一月。無消息。

昨日元戎報捷來。既而臺省交章論延儒受賄。嚴敵上。領之九月。誅兵部尚書陳新甲。延儒為營解曰。國法大司馬。兵不臨城。不斬。上爰色曰。他邊疆即勿論。僇辱我親藩也。不甚於薄城乎。延儒為之行下。癸未五月。科道郝炯。蔣拱宸。何倫。劾論吏部郎中吳昌時。禮部郎中周仲達。竊附延儒。行私納賄。延儒天下之罪人。昌時仲達又延儒之罪人也。延儒罷。七月。召山東兵備雷演祚。面質總督范志完。縱兵行賄。演祚因奏延儒倡權納賄諸狀。上怒。即逮其幕客董廷獻。尋誅志完。徵延儒聽勘。延儒當中外交訐之日。不

能為上畫一籌。然受眷特深。故其罷內監撤衛。甚易。諸璫日夜伺隙媒孽。上俱不信。延儒益急之。逆行遠之後。上意稍移。諸璫乃盡發其家藏。至是聖怒不可回。延儒遂賜死。方延儒之召也。門生張溥馬世奇。以公論感動之。盡反前轍。向之所排。更技而進之。上亦虛已以聽。溥既後。世奇遠推勢。而延儒左右。皆昌時仲達輩。以至於欺。溫體仁為程人。戊戌進士。累官禮部尚書。與侍郎錢謙益。門戶不同。會戊辰。故下。謙益名列第二。而體仁不與。因疏前御史陳以瑞。嘗忤謙益。與汪文言。傅昌期。相表裏。其典

試浙江。省錢千秋。以一朝平步上青天。聞節得雋。今故卜大典。豈容濫竽。上乃召對文華殿。廷臣皆不直體仁。體仁指廷臣為黨。以激上怒。於是攻者四起。上俱不問。庚午。入東閣。斥。自守。不殖貨賄。時上英明。恨廷臣苞苴。止狀。獨信任體仁。久之。希寵用事。專私黨排異。已日與士大夫為難。攻者竟無虛日。至滋陽知縣成德。盡發其奸。逮錦衣衛獄。其母張氏。伺體仁典出。轍道詬之。至不堪。前工部侍郎劉宗周。上言。小人之禍人國。無已時也。皇上惠私交。而臣下多以告訐進。皇上錄清節。而臣下多以曲謹容。皇上崇

勵精。而臣下奔走承順。以為恭。皇上尚綜覈。而臣下頌眉。苛求。以為察。窺其用心。無往不出於身家利祿。皇上不察而用之。則聚天下之小人。立於朝。而有所不覺矣。嗚呼。八年之間。誰秉國成。臣不能為首揆。溫體仁解矣。千戶楊光先。亦再疏奏論。罪指自隨。既而撫寧侯朱國弼。勸體仁私唐世濟。受霍維華金。上奪國弼爵。而世濟成逆。體仁不安其位。未幾引疾免。上賜金幣。遣行人護歸。薛國觀。韓城人。已未進士。由推官行取。給事。側身門戶。嘗忤。希希。允升。賤士。任熊明遇。正人多側目之。歷官金都御史。